



Inatsisartunut ilaasortaq
Aleqa Hammond, Siumut

§ 37 tunngavigalugu, qallunaatut oqaasilinnut kalaallit oqaasiinut iliunniusiornissaq pillugu, apeqqummut nr. 2011-81-imut akissut

Asasara Aleqa

Inatsisartut ingerlatsinermit maleruagassaanni § 37 tunngavigalugu Naalakkersuisunut imaattunik apeqquteqaateqarsimavutit:

- 1. Malinnianggikkukku suna inatsit aallaavigalugu taamaasiorpit?**
- 2. Malinniarukku qaqugu tamakku iliunniutit piariissappat?**

Apeqqummut akissuteqarnermut aallaqqaasiullugu erseqqissaatigissavara soorunami tamatigut Naalakkersuisut, Inatsisartut aalajangersagaat piviusunngortinniarlugit, sulissammata. Ajuusaarutigissavara martsip 30-ani ammasumik isumasioqatigiinnermi paatsooqatigiinneq tunngavigalugu oqalussimagatta. Uanga paasinninnera malillugu illit apeqqutigaat Naalakkersuisut, kalaallit oqaasiinut ilinniartinneqarnissamut amerlanerusunik nalunaartoqarnissaa piviusunngortinniarlugu, qanoq iliuuseqalersaarniarnersut, illilli apeqqutigisat tassaavippoq kalaallisut oqalussinnaanngitsut ilinniarumasulli atugassaannik ilinniusiorluni suliaqarneq sumut killinnersoq.

Ilinniusiassanik ullutsinnullu naleqqussakkanik ilinniartitsinernik ingerlatsinissanik pilersitsiniarluni suliaqarneq Oqaatsinik Pikkorissarfimmut inissinneqarsimavoq, suliffeqarfillu taanna, oqaaserisat aappaattut kalaallisut oqaasilinnut ilinniartitsinerup saniatigut aamma Inatsisartunit inuiaqatigiinni oqaatsinik piginnaasaqarnerup nukittorsarneqarnissaa aalajangiunneqarmalli internetikkut qallunaat tuluillu oqaasiinik ilinniartitsisinnaanermik suliaqarsimavoq. 2011-mut Aningaasanut Inatsimmi takuneqarsinnaasutut, Oqaatsinik Pikkorissarfik 2010-mili, siunertamut tamatumunngarpiaq atugassanik, annertunerusunik aningaasaliiffigineqarsimavoq.

Kalaallisut oqaatsinik ilinniartitsinermit tunngatillugu atuarfimmit ullumikkumut killiffigisat imatut nalunaarutigineqarput:

Internetikkut kalaallisut ilinniartinneqarneq:

Immikkoortoq 1 aamma 2 atuarfiup nittartagaani takuneqarsinnaapput imaluunniit www.grl.eforum.gl -imi. Pikkorissartut ingerlasut 40-upput taakkulu februarip aallaqqaataani 2011-mi aallartipput aamma pikkorissartut 20-t september 2010-mi aallartissimapput. Ilinniartussat tulluuttut septemberimi 2011 tigoqqarneqassaapput. Immikkoortut pingajuata sanaartorneqarnera 2011-mi ukiakkut aallartinneqassaaq.

12. april 2011
Sagsnr. 2011-048692
Dok. Nr. 603746

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiin@nanoq.gl
www.nanoq.gl

Najuunnikkut kalaallisut ilinniartinneqarneq:

Immikkoortunut 1, 2 aamma 3-mut atortussat – naammassereersimalerput naqiterneqarnissaminnullu piareerlutik. Immikkoortut sisamaat ukiaru naammassineqassaaq. Kalaallisut atuagassatut quppersagaaraq naqiterneqangajalerpoq. "Oqaatsinik pinnguaatit" sananeqassapput taakkulu tamanit atorneqarsinnaassapput. Kalaallinut kalaallisut oqalussinnaanngitsunut kalaallisut ilinniutissanik inerisaaneq ingerlaqqippoq – maannamullu immikkoortut tallimaat suliarineqartussatut tulliunneqarsimalerpoq.

Inussiarnersumik inuulluaqqusilluta

Palle Christiansen